

Váldde oktavuođa

Eat galgga dahkat morašteaddji ovd-
dasvástádussan váldit oktavuođa. Eat
mii dárbbáš dadjat “Riŋge munnje jus lea
juoga, lean dáppe” danin go morašteaddji ii
veaje Leahkit dat gii váldá oktavuođa. Dalle
lea buoret ahte mii dadjat “Riŋgen dutnje
disdaga fas, vástit jus nagodat”. Muhtumin
eat oaččo mange lágan vástádusa ja lea
buorre nu, morašteaddji ii álo nagot vásti-
dit, muhto dalle mii sáhttit riŋget, ođđasit
ja ođđasit.

Botke jaskatvuođa

Márgasat dovdet váttisin váldit okta-
vuođa lagamuččain gii morašta. Maid
galgga dadjat? Jurddaš jus šaddá dušše
jaskatvuohta dahje olmmoš álgá čierut?
Muhto ii leat dehálaš maid dadjat go mii fal
botket jaskatvuođa. Ja muhtumin sms lea
buoret čoavddus go riŋgen daningo soaitá
leat álkit sihke sáddet ja vástit.

Leage gierdavaš

Juohke morašteaddjis lea iežas morašprose-
assa, masa mis dárbbáša leahkit ipmárdus
ja gierdavašvuohta. Ii galgga geahččalit
“jeđđet eret” morraša dahje duššástuvvat
jus dat bistá. Morrašis ii leat “mañemus
beaivemearri” iige dábálaš dahje eahpedá-
bálaš guhkes áigi mii gollá morašteapmái.
Muhtin áššiid dárbbáša oktageardánit
muittašit, mitalit ja geardduhit, dat soaitá
lea dehálaš oassi morraša ipmirdeames ja
dikšumis.

Álggat

Lea buorre jus mii geat doarjut sáhttit leat
dat geat evttohit áibbas árgabeaivválaš
doaimma. Evttot gáfestal-
lat, geahččat
filmma dahje dušše fitnat váccašeamen.
Mángasat geat moraštit gáibidit bottu
morrašis ja unnánaš dábálaš eallima. Dat
gean mii bovdet soaitá biehttalit ja dat lea
áibbas ortnegis, dehálaš lea ahte jearrat – ja
duostat fas jearrat.

Leage lahka

Mánngasat mis ballet bahkkemis earáid ala ja dat dahká ahte eat váldde oktavuoda ollen-ge. Mii soaitit jurddašit ahte morašteaddji dárbbaha leahkit ráfis dahje ahte ferte vuordit veháš váldimis oktavuoda “dasságo bahámus lea meaddel”. Lea dehálaš ahte mii čielgasit čájehit ahte mii leat fáhtemis vai morašteaddji ii dovdda isolašuvnna, leat olggobealde dahje hilgojuvvon.

Atte saji

Dávjá leat mánngas geat moraštit seammá olbmo oktanaga, gos buohkain lea leamaš oktavuoha ja historjá dainna gii lea jápmán. Lea dehálaš ahte mii diktit lagamus morašteaddji leahkit guovddážis ja eat álgge dovddahit min iežamet muittuid ja dovdduid. Mii fertet muitit diktit morašteaddji dovdduid, beroškeahtá makkárat dat leat, leahkit guovddážis. Min jurdagat ja mitalusat nai leat dieđusge dehálaččat – muhto eai dehálepmosat.

Ale bala, mun lean duinna.
Ale vilppo balus, mun lean du
lpmil. Mun nanusmahtán ja
veahkehan du, mun doarjjun
ja gájun du olgeš gieđainan.

Jesaja 41, 10



Rávvagat maid gávnnat dán gihppagis leat
dušše moadde dan mángga áššis man mii
lagamužžan sáhttit dahkat dasa gii morašta. Ale
hejoš dan unnána, unna dagoš nai sáhtta oazžut
stuora mearkkašumi. Jos háliidat eanet doarjaga
dahje soapmása geainna sárdnut, leat buresbo-
ahtin iežat searvegoddái, sáhtát maid geahččat
kirken.no/chat. Lea maid vejolaš rohkadallat da-
hje gintala cahkkehit [neahttabáikkis kirken.no/be](https://kirken.no/be)

Mii lea Vuosttaš veahkki morrašis?

li oktage dárbbáš lea okto morrašis. Danin lea girku čohkken jurdagiid ja konkrehta rávvagiid mat sáhttet leat veahkin midjiide go mii leat morašteaddji searvvis. Moraš bávččagahtta, muhto go dan juogada earáiguin de dat geahpu. Girkus leat hárvánan deaivvadit olbmuiguin geat leat morrašis ja leat sidjiide doarjjan. Dát rávvagat leat jurddašuvvon veahkin álgobáliid, go muhtin lea massán lagamučča.

Buohkat geat leat morrašis dovdet dan iešguđet ládje. Buot dát rávvagat eai heive buohkaide eai ge gávdno universála rávvagat. Danin soitet oallugat dovdat iežaset eahpesih- karin deaivvadedettiin earáid morrašiin. Norgga girku doaivu dáid rávvagiid leat ávkin ja ahte dat ráhkkanahitet olbmuid, nu ahte ii oktage báze okto moraštit.



NOROGGA GIRKU



NOROGGA GIRKU

Vuosttaš veahkki morrašis

Konkrehta rávvagat go
deaivvadat muhtimiin gii lea
morrašis